

مشرق و مغرب

محل مطبعه و اداره :

جفـال اوغلانده امنيت
سندوغي جوارنده
شنگول يقوشنده
۲۷ نومرو

اظهار :

مسلكمزه موافق آثار
جدیده مع الممنونیه
قبول اولنور

درج ایدلمه یں آثار اعاده اولنماز

دیر ، فلسفه ، علوم ، حقوق ، ادبیات ، تاریخ ، سیاست ، و بالخاصه احوال و شئونه اسلامیه و بحث ایدر و هفته ده بر نشر اولنور .

آبونه بدلی

صاحب و مؤسسلری :

در سعادتده نسخہ سی ۵۰ پاره در

ابوالعلا زین العابدین - ح . اشرف ادیب
تاریخ تأسیسی

قیرلهدن مقوا بورو ایله کوندریلیرسه سنوی
۲۰ غروش فضله آلنیر

۱۰ تموز ۳۲۴

سنه لکی	التی آیلانی	غروش
ممالک عثمانیه ایچون	۶۵	۳۵
روسیه	۶۰	۳۰
سائر ممالک اجنبیه	۱۷	۹

بواسطه يك قولای و بسط برشیدر . چونكه مدرسه حاضر ، طلبه حاضر ، معلمك بری حاضر ، فضله اوله رق یالکیز بر معاون تعینیه برده پروگرام اصلاحی مسئله سی قالیور ، ایشته اوقدر .

متعدد مدارس موجود اولان برلده ایسه ، عرض اولندیغی وجه اوزره ، فنون جدید تدریسی ایچون تأسیس اولنه حق دارالتدریسه هر درس متخصصنه تودیع ایدیلرک ساعت اعتباریه دوره سه نه کوره معلمره معاش تخصیص ایدهرک تدریسات اجرا ایدملی و ممکن مرتبه معلمار درس عاملردن انتخاب ایدملی که بوده يك جزئی بر مصرفه میدان کلیلر . چونکه مدرسه لر (یتاق خانه و مطالعه خانه لر) حاضر ، - یالکیز بر از تعمیر و اصلاح لازم - علوم عربیه و شرعییه تدریس ایدهرک مدرسه لر حاضر ، فنون جدیدنه بعض قسملری مدرسه لر تدریس ایدهرک بیلر چکارندن معلمینک بر قسمیده حاضر ، هیئت مجموعه سی اعتباریه درنده اوچی حاضر دیمک اولوب یالکیز بر بنا ایله ، اقتضا ایدر . معلمك درنده بری قالیور که طبعی بوده تأمین ایدهرک چی استفاده یه نسبتله هیچ حکمنده اولوب بیوک بر فداکارانه عرض اقتدار ایتمز . یالکیز اوقافک اصلاحیه مکاتب ابتدایه تخصیصاتک بوجهته فراغی ، تأمین مقصده هان کافی کی کورینور . زیرا مادامکه تحصیل ابتدائی دینیدر و بناء علیه عناصر غیر مسلمیه حصه لری و یریلیور ، عناصر مسلمنه حصه لریده سالف العرض مجلس کیره تودیع ایدیلر بیلر عین زمانده معارف نظارت جلیله سنک تحت تفیشنده بولنه چندن ثمرات نافعه اقتطاف ایدیلر چی محققدر . بر طرفدن موجودی بو صورتله اصلاح ایتمکله برابر دیگر طرفندن مدرسه مکتب اولمیان برلده ، بو طرزده دارالتدریس لر آچمه تشبث و مبا شرت ایتملی که - شمدیه قدر اولدیغی کی - تشبثاتمز عقیم قالمسون ایشته بو صورتله هم اسلافک التزام ایتمکی بر طرزده مدارس اصلاح ایدلمش اولور ، همده بادهوا دینیه چک درجه ده اهمیتسز بر مبلغه دارالمعلمینلره ، دارالفنونلره نائل اوله چنمزدن ، يك قولای و يك سریع بر صورتده تعمیم معارف ایدلمش اولور که - تعبیر عامیانه ایله - کوچک بر طاشله بیوک ایکی ، بلکه دهاز یاده قوش اورولمش اولور . اسلاف کر اتمزک التزام ایتمکی بر طرزده ، اصلاح مدارس ایدلمش اولور . چونکه ، اسلافز هیچ بروقت (انا وجدنا آباءنا) دیمه مشلر ؛ و فنون جدیدنه شکل اصلی و ابتدایی بولمان فنون عتیقه یی ، اسکی یونانجه دن عربجه یه ؛ ترجمه ایدهرک ، علوم شرعیه تدریسیاتی آرسنه قویمش لر ؛ علوم شرعیه ده اولدیغی کی فنون عقلیه دده ید طولی صاحبی و عالم اسلامك مدار افتخاری اولمش لر و بو صورتله حکمت عتیقه اربابی طرفندن شریعت اسلامیه و قوع بولان و قوع بوله حق اولان ظنون و اوهای اساسندن قلع ایدهرک ، براهین عقلیه و قوانین فنیه ایلده ترصین قواعد اسلامیه ایلر مشلردی . بو جهته بژده اسلافک آچمش اولدیغی شاهراه تجدد و تعالی یی بوله رق ، کوزلری قاشدیران حقایق منوره اسلامیه یی انظار کائناته عرض ایتمش اولورز . حالبوکه ، مع التأسف موک زمانلرده مدارسک سنین مدیده یه تشدیدیک بوقدر انسان ، فنون دنیویه تحصیل ایتمک لردن

سفالت چکیورلر ، آخر عمرلرینه قدر حوایج ضروریه بشریه لرینی دوشونمکدن قورتوله میورلر . و حقیقه نشر علوم دینیه ، تبلیغ احکام الهیه و خصای دینه فنون حاضره لسانیه مقابله ایدهمیورلر .

يك قولای و سریع بر صورتده تعمیم معارف ایدلمش اولور : چونکه کچن لرده منظورم اولان بر ایستاتستیکه نظراً ، ممالک عثمانیه ده موجود مدارسک ، عددی اوچ بیکه بالغ اولیور . وسطی اوله رق لا اقل الیشر طلبه تخمین اولنه بیلر که ، یوز الی بیک طلبه ایدر . ذاتاً مدارسده یتیشان طلبه نك یوزده یتیمی ، محله و کوی امامی و ابتدائی معلمی ؛ اونی ؛ مکاتب تالیه و عالییه معلمی ؛ اونی ؛ حاکم ، مفتی و مدرس ؛ اونی ده ، ترک مسلمك ایدهرک ، مأمور ، اصناف ، رنجبر اولق اوزره تخمین ایدیلر بیلر . بناء علیه ، یالکیز حاضرده کی مدارس اصلاح ایدیلر ایدلمز ، هر سنه مطلوبه موافق ، مسائل دینیه و فنییه واقف بر چوق ابتدائی معلمی یتشمکه باشلا به جقدر . چونکه علوم عربیه و شرعییه واقف ، دماغی تحصیل ایله مألوف بر چوق طلبه موجوددر که ، جزئی بر همتله مکمل ابتدائی معلمی اولورلر - آز زمان ظرفنده ، آز پاره ایله ، قضا عتکار ، کوی حیاته متحمل ، افکار عمومیه موافق ، منور الافکار بر چ - وق امام و معلم یتیمه - جکدر . کویلرک قسم اعظمی کوچک اولسی کی بر طاقم اسبابه بناء امام بشقه ، معلم بشقه اولق ممکن دکدر - : ایشته بوسایه ده ، سرعت و سهولت فوق العاده ایله نشر علوم و تعمیم معارف حاصل اوله حق ؛ و بالنتیجه بتون عثمانی عناصری ، افرادی بیننده آهنگ انتظام رونما اوله رق عثمانلیق علمی بردن بره پارلایه حق ؛ عالم اسلامك ده ، تنبه و تعالیسنه مبدأ اوله جقدر . و من الله التوفیق .

بر سه جامع کبیر درسه لر

احمد زائد

تقسیم قیشله و تعلیم خانه سی

کیچن هفته ایچنده نشر اولونان تصویر افکار نسخهلرینک برنده تقسیم قیشله و تعلیم خانه سنک مالیه نظارتجه بدل مثلندن نسبتسز درجه لرده دون ، مبلغ جزئی مقابلنده الدن چیقارلمقده اولدیغنه دائر بر مقاله واردی . بز بو حوادثی قید احتیاط ایله تلقی ایتمش و قانوناً اراغسی اقتضا ایدن مصلحتدن عاری وغبن فاحشه مبتنی معامله فراغیه نك قیمت حقوقیه و قانونیه سی اوله میه جغنی تقدیر ایدرک صدق خبره احتمال ویرامش ایدک فقط بازار ایرتسی کونکی طنین رفیقمزک نشریاتی مع التأسف مسموعاتک صحتی کوستردی . وشو بولسز معامله نك بر قاچ کونه قدر امر واقفلر میاننه ادخال اولنه جغنی بیلیدردی . که بو نتیجه یه نه قدر تأسفلر اظهار ایتسه ک یری واردر . واقعا رفیقمز فراغ مقررک مادی و معنوی بر طاقم اسباب مجبریه مبتنی بولندیغی بیان ایدرک مقاوله نك ظاهرأ جاذب کوریلان شرائطی بالاندره بالاندره ایضاح ایدیور و بالنتیجه امر فراغی يك طبعی

تحمیل ایتشدی . بومسئولیت ایسه ساتلمسینه مساعده ایتدیکی شیلری دکریله صانع و هر صورتله نفع خزینه کی کوزتمک و براحتیاج مبرم اولدقجه بونلری صاتیفه چیقاروبده یوق بهاسنه و بره جک قدر تزییل ایتمک ، و خصوصاً و خصوصاً ارباب حتکارک دام تزویر و اغفالنه دوشماک قیودخی متضمن اولوق لازم کلیردی .

مالیه ناظری ایسه کوچوک بیوک اون بش یکریمی قطعه سفن آهنینی ، فقط (۶۰) بیک لیرایه صاندی . آلان بازارکالک سوکک مصرفی چیقاردقندن صکره یوزده یوز کار ایتدیکی تأمیناً روایت ایدلمکده در . حتی عینی المزده بولنان طوریدو کچرلردن برینک ماکنه قسمی ۱۲ بیک لیرایه صاندی سوبیلورلر .

طویلردهده بویله علی العجله معامله بیعیه میباشرت ایدلدیکنندن مأمول اولان استفاده حاصل اولمادی .

آز قالدی ، اذمیده کی عبا فابریقه سی ده ۱۰ بیک لیرایه صاتیله حق ایدی . اگر حیت مجسمه وحای مشروطیت اولان محمود شوکت باشانک تیغظی مانع اولسه ایدی . بوفابریقه شمیدی آلمانیا بر بازارکالک ، فقط طفسان بیک لیرا فضله بر بدل ایله تحت تصرفه کجکدی . چونکه مالیه ناظرخی ارباب فطانت وکیاستدن اولان بعض همشهریلری اغفال ایتمش و فابریقه نک اون بیک لیرادن زیاده ایتیه جککه ، و طور دقجه دولته زیانی موجب اوله جفته اقتناع ایلشمیدی . برطرفندن ده آلمان بازارکالک ۱۰۰ بیک لیرایه بازارلغه کیرشمیدی .

ایکنجی برصفحه بیع وشرای ده معهودنجیب اصفر پروژده سی تشکیل ایلوردی ! بونه واسع آماله جاوه کاه ایدی . له الحمد مسئله هنوز حال ابتدائیه ایکن (تصویر افکار) طرفندن استخبار اوله ورق حکومتی ابقاظ ایتدی . معامله نک شکلی دکشدریدی . نهایت شمیدیکی حالده خواب امهاله یا ترغفه موفق اولدی فقط امهاله وقت صرهون کوزتمک کی طرز امهاله بر نوع اغفال اولدیفنه احتمال ویرنلر وارسه ده بوکارأت ایده جک قدر منفعت داتیله بهادرلری بولنه میه جفته ده اعتماد صبر کالدر . چونکه جزیره العربک الوم بولندینی حال اغتشاشدن استدلال اولدیفنه کوره بو پروژه نک تطبیق انتاج اختلال ایده جکدر .

دولتک ایسه هر کون بر درلو اختلال ایله اوغراشه جق وقتی اولسه ده بو حاللرک توالی و دوامی بی شبهه ملکک اضمحلالنه منجر اوله جقددر .

شمیدی ده تقسیم قشله سیله میدانی صانع نوبت کادی ! نه غریب حال ! دنیا نک هر طرفنده کی پای تختلر ، بیوک شهرلر دائماً واسع میدانلر تشکیل ایتک ، ملکک تک منظره سنی تلطیف ایله برابر حفظ صحنه خدمت ایلیمک یولنده میلیونلر صرف ایدرکن ، بزاسلافک یاد کار همتی اولان ، میدانلر صانع قالدیشوروز . بر طرفندن ده شهری تزیین ایتدیکنندن ، ایده مدیکندن طوطی بره ورق ، شهرامانی دواثر بلدی بی اتماده بولنوروز .

عجبا بویله ایده موجود و هر درلو تزیین و استفاده یه مساعد اولان و معامله فراغیه سنک فرداسنده لایجاب استرداد لازم کلسه بر میلیون لیرادن آشاخی آلتیمی قابل اولیه جنی محقق بولنان بومیدان مهمی (مع قشله) ۴۰۰ بیک لیرایه صانه حق ، یعنی (صانار علی) اویونی تنظیر ایده جک قدر حکومت پاره یه محتاجیدر ؟

ناموس ملت و ملکک نامنه قسم ایدرزکه دکادر !

هله تقسیم قشله سی ! . . . اوت هله تقسیم قشله سی ! ایشته بوقیشله نظام جدیدک موجد منفردی و بواجتهادینک عاقبت مغدور و شهیدی اولان سلیم نالکک لککدارده الی الابد سنکین برمدار تدکاری بولنان (سلیمیه قشله سی) قدر و شرفنده در .

اولا عم شهیدینک باشلا یوب آتام ایده مدیکی و حتی اویوزدن آتام حیات ایتدیکی . نظام جدیدک ایکنجی ساعی و موافقی اولان محمود ثانی نک عسکرلکی تمثیل ایتدیردیکی برنجی قشله سیدرکه بودولت معظمه ایله الی الابد بقاسنی ناموس و حیثیت عسکریه کافل اولوق لازم کلیر . عندئده عسکرلک قدر بر نعمت علویه متصور اولدیفنه تمامیه امین اولدیفن محمود شوکت باشا حضرتلری مؤسس نظام جدید اولان بر پادشاهک نشانه ظفرخی . که هر سنک دیواری فکر عسکرینک تحجر ایتمش بر تمثال افتخاریدر . صاندیرمغه نصل موافقت ایده ییلور ؟

باخصوص بوقیشله نک مؤسس اوپادشاه عالی جاه اولقله برابر بانیسی احاددن

وشایان ترویج بولور . فقط مطالعات مسروده نه درجه لرده اصله قریندر . ایشته بو جهت منافع وطنیه نامنه محتاج تدقیق و تأملدر . بز رفیقلمزک مقاله لرینی عیناً نقل ایتک و وارد خاطر من اولان ملاحظاتی دخی ذیلاً اشارت ایلیمک صورتیه ، قارئلمزک مسئله یی حقیقه تتبع و تدقیقه موفقیتلرینی تسبیله چالیشه جغز ، تصویر افکار رفیقلمز دیورک :

تقسیم قشله سی و تعلیم مانع میرانی

(صانار علی اویونی)

غزله لک ویردکلی خبرلره نظراً ، ایکی سنه دن بری شایعه سیله مسامع اهالی آلتدیرلمش اولان بک اوغلی طوطی قشله سیله قارشیدینده ۱۰۲ بیک صریح متره وسعتنده بولنان میدان ، ۴۰۰ بیک لیرا بدل ایله بر شرکت صاتیله ورق معامله فراغیه سی اجرا اولوق اوزره بولنور .

§

بزم عهد صباوتزده (چنکی) دینلان بر صنف نسوان وارییدی . ولیله ، لوغسه ، وختان جمعیتلرنده اکابر قوناقلرینه جلب ایدیلر ؛ حرملرده اسکی عادات و عنعنات میثیل ایدر اویونلر اجرا ایلرلر ایدی . بو بر نوع ملی ، و منحصرأ حرملرده اوپاندینی ایچون نسوانزده خاص تیاترو ایدی .

بوراده ، چنکی لکی تعریف ایده جک دکاز ، یالکز اویونلردن ، غایت عبرت آیز اولان (صانار علی) اویونی ، شو بزم عهد جدیدده بر مثلی ده ا بولوق احتمالی اولیان مالیه ناظر اقتصاد مظاهر منک علم ثروته متعلق متأرجه ادیه فعلیه سنک الک مهمی عدا ایتدیکنز (بیع اماکن وارضی) قاعده سنه مشابه کور . دیکمز ایچون آکلتاق ایستز :

بو تحف بر اویوندر ؛ بر میراث یدی بی تمثیل ایدر ، علی بک اسمنده برکنجه پدیری بر قاقچ بیک کیسه نقود ایله بر جوق اموال و عقار ترک ایدرک وفات ایدر . غیبوت پدیرله غمکین اولان بک افندی بی تسلیم لازم کلیر . حسب الانسانیه اطرافنه اووقته قدر کندیسینه معلوم اولیان بر جوق اوداء طویلانیلر . بک افندی یه پدیرینک آجیسی اونشدر بره جق صورتده اکنججه لی فقره لر ، حکایه لر نقلندن باشلارلر ؛ (غزیه) لره (عرق) لره آلتدیرلرلر . نهایت زمانک حسن و آن ایله مشهور اولان نازندکان نسوانیه ترتیب بزم عشرته نوبت کلیر . بوصره ده (آفت دوران) وصفنه شایان اولان بر (محبوبه فتان) ک دام زلفنه کرفتار اولان علی بک ، سودیکنک هر آرزوسنی برینسه کتیرمک یولنده اولای نفود موجوده یی تو کدیر ، ثانیاً پدیردن منتقل تجارت کبیلرینی صانار . حاصلی جفتلک کبی ، خان ، حمام کبی نه قدر مورد ایراد وارسه بر برلر الدن چیقاریلیر . اک صوکره اوتوردقلری قوناغک مفروشانی و متعاقباً قوناغک کندیسنی صانیلیر بک افندی اوزرنده کی لباسیه قالیر . فقط برایکی سنه امتداد ایتمش اولان بودوره ذوق بر صماغی بکه بر طبیعت ثانیه اولور . بر درلو اکنججه سز دوره من . دوشنور ، طاشنیر . بر کون ده ا سفاهتی تأجیل و حقیقت حالده سفالنتی تعجیل ایدن بر چاره عیش و نوش کشف ایدر . میان احبابده اولاصیر شده کی سمور کورکی ، ثانیاً بلنده کی (برور) ساعتی ، شال قوشاخی ، نالکک هندز تارایی خفتانی ، پنبه زار کوملکی . زراندوده باشی اوچقوری ، نهایت حلالی طونه قدر هپسنی بر برر صانار . اوجالت عربانی ایله سر مست ورسوا اوله ورق محبوبه سنک آغوش نازینه آتیه لر ق تسلیم روح ایدر .

بوکا صانار علی اطلاقک سببی : چونکه ایچلردن بری (دلال) رولنی آله رق : علی بک اوزرنده کی لباسی بر برر چیقاردقجه (دلال) : صانار علی کورکنی صانار علی خفتانی ! . . . صانار علی شانی ، دیه یاد و تعداد ایتیمی در .

§

ایشته بزم ده شمیدیکی حال تمامیه بو صانار علی اویونه بکزه مکده در . مبعوثان ملت ، مالیه ناظرخی اولکی دوره اجتماعیه نک نهایتده بعض جفتلکلر ، وایشه برامیان زرهیلر ، وکار قدیم طونج و باقر طویلر کبی شیلر طولانیسیله ترخیص ایتشدی . بو ترخیص طبیعی اصول مشروطیته توفیق معامله مقصیده یه ، یعنی ایشه بر شکل (قانونیت) و بر مک ایچوندی . فقط آنک ضمیمه برده مسئولیت

تمول بر صاحب حمیت در که هیچ بر جبر و شدت، هیچ بر خوف و عقوبت قارشی
فدیة نجات مقصدیله دکل، مجرد یکجریلیکی الفا ایله دولتی عجاتنه سبب اولدی
ایچون تحدیث نعمت اوله رق کیسه سندن انشا و پادشاهنه اهدا ایلمشدر .
بوذات ایسه تکفور طاغی اعیانی اولان مرحوم (چلی اغا) در . حتی
بنای پادیررکن جالیشارله مدارشوق اولقی ایچون رنجبرلرله برابری طاش طاشیر،
خرج آلدیرردی .
سکسان یاشنده بویله بر پیر حمیت میرک شکرانه ظفر صورتنده اولان بو
تقدمه سنی صاتیق، ناموس عسکری فی صاتمقله برابر دکلیدر ؟
خدایه قسم ایدم رزکه بوکا حمیت عثمانیه مساخ ویره من .

§

ایشیدیلدیکنه کوره شمدی به قدر بازار افندمه او بوشیله میان بو آلتش و پریشی
بوکی معاملانده کال رسوخ ایله مشهور اولان برذاتک اکابر مأمورینغز نزدنده کی
دلالتی، نتیجه سالمه به اقتران ایتدیرمشدر. حال بوکه هنوز مسافه فراغ انقطاع
پنیر اولامشدر . (سالم) عدایدیلن وساطت (رحم مادرده اتمام حیات ایدن)
جین ساقط کی جهد و سعی ایدنلرک خیف و خسرانیله نتیجه لیک محققدر .
اعتقاد مزاجه (حریت ابدیه) تپه سنده کی مونمان محافظه مشروطیت یولنده
فدای جان ایدن شهدای حریتک فصل قیمتدار بر مدار تذکاری ایسه تقسیم
طوبی قشله سی دخی عسکرلرک باعث شرف و افتخاری اولقده اوقیت و مزیتی
حائز و چونکه ایکنجیسی سیف جلادتک اعمالیه تأمین مشروطیت و مشورت
ایدنلرک تجیل ناملری ایچون اقامد اولمش اولدینی حالده، برنجیسی سیف سطونک
تدافعی و تجاوزی قدرت قاهرانه سنی تمیل ایچون ایمجاد ایدلش بولندیفندن شرف
ورفعته ایکنجی به مقدم دینلسه جائزدر .
تاریخ عسکریمزی شکلیله، جسمیله، شانیله، شرفیله انظار اخلافه ایصال
ایتمک شاندن اولان بویله بر بنای معظمی بش اون آلتون خاطر ایچون صانان
ملک نه شان و شرفی قالیر، نه حیثیت و ناموسی !
ویل او قومه که بش اون کونلک مدار زندگانی استحصال ایچون اجدادینک
یادگار عظمتی فدا ایده جک قدر حیثیت ناشناس اوله . «تصویر افکار»

طنین رفیق من شویله مقابله ده بوانبور:

تقسیم قشدر و تعلیم طایفه سی

بوندن اوچ درت کون اول تصویر افکار غزته سنده تقسیم قشله و تعلیم خانه
سنگ مالیه نظارتجه صاتمق اوزره بولوندیفته دائر بر مقاله واردی . مقاله ده
حکومتک بویله همالی صانوب الدن چیقارمق یولنده برمسلك طوماسنه اسف
اظهار ایدیلور . حکومتک حالی غافل میراث یدیلره تشبیه اولونیور، بویولده
برجوق لایفردیلردن سوکره حکومتک شوحرکتنه قارشی سکوت ایدن غزته
لرده تعریض اوله رق بوسکوت بر منفعت ذاتیه به حمل ایدلک ایسته نیوردی .
تصویر افکارک سنگ تعریضه اوغرایان غزته لرک هیچ بری بوسوزلره آلدیر .
مادی . تصویر افکار ایچون بویولده نشریات طبیعی کورولوردی .
مع مافیة تصویر افکار، بومقاله سنه بر اهمیت مخصوصه عطف ایتش اولمالی درکه
بالخاصه اونسخه بی بعض ذواته، مبعوثلره کوندردی . بوسیراده طشره لرده
ارسال ایتش اوله جی چونکه دون ادرمیددن شوتلغرافی آلدق :
اون بش کله جوابلیدر

در سعادتده طنین مدیری جاهد بک افندی به

تصویر افکارک ۹۶؛ نومرولی باش مقاله سی کوز بیکم مالیه ناظرینه علماً
وزیرنده کی تصویرات مبهمه مستهجنه وطنک مدافعی، ملنک ترجمانی اولان
سوکی طنین مزه ضمناً مفتریاتدر . متأثرز . تأثراترک رفی غلیانرک تسکینی
ایچون حقیقتک ایضاحنه منتظرز افندم .

ادرمیدده بوشناق زاده

ادرمیدده بازیچی زاده

سلیمان

حتی

بوتلغرافنامه سینکک کوچوک واهمیتسزده اولسه معده بولاندیراییله چکی
حقنده کی سوزلری بزم نظر مزده تکرار اثبات ایتدی . شوذاترک تلغرافلرینه
خصوصی صورتده جواب ویرمک قابل ایدی . فقط ادرمیدده حاصل اولان

سوء تأثیرک تصویر افکاری و صاحبی بیلمه یئرلر نزدنده باشقه طرفلرده حاصل
اوله بیله جکینی دوشوندی کمزدن مسئله بی علماً افکار عمومی به مواجهه سنده شرح
و ایضاح ایتکی منفعت عمومی مملکتده ده موافق بولدی .
تقسیم قشله سی و تعلیم خانه سنگ صاتیغه چیقارلسی حقنده کی اعتراضک بولون
در میان ایدلسنه قارشی اظهار حیرتدن بشقه یا به جی برشی یوقدر . بوعراض بشقه
بر غزته دن صادر اولسه ایدی یوقدر غریب کلزدی . فقط صاحبک عینی زمانده
مبعوث ده اولماسی بوتون بوتون موجب حیرت اولیور . چونکه اومبعوث محترم بوسوز
لری مجلس مبعوثانده جهت عسکریه به عائد اولوب بالزاید تدریجاً فروختی مقرر
اولان املاک اراضی، ابنیه و عرصه لر ایچون رأی ویردیکی صیراده سویله مک
اقتضا ایدردی .

۱۳۲۵ سنه سی فوق العاده بودجه سی آچیلوب ده تدقیق ایدیله جک اولورسه
کورولورکه حکومت قوه عسکریه منری مملکتک شان و شرفنک ایجاباتی درجه سینه
چیقارمق ایچون برطاقم مصارف فوق العاده عسکریه لزوم حس ایتمشدر . عادی
بودجه نک فوقنده تنظیم ایدیلن بوفوق العاده بودجه ایچونده فوق العاده واردات
بولمشدر . ایشته بوفوق العاده واردات آراسنده حربیه نظارتنه عائد اولوب ده
صاتیله جی املاک اراضی و عرصه لرله خزیه خاصه دن جهت مالیه به دور اولومان
چفتلرک دخی داخلدر .

تصویر افکارک بولون مؤاخذه ایتک ایسته دیکی مالیه ناظری اوزمان قایدیه به
داخل دکلدی . اوزمانکی قایدیه مملکتک سلامتی نامنه بویله دوشونمش و فوق
العاده مصارف عسکریه ایچون بویله فوق العاده واردات آرامشدی . حتی
شایان دقتدرکه اوزمان حکومت بوتون بوساتیله جی املاک، اراضی، ابنیه
و چفتلرک ایچون یالکز آلتی یوز بیک لیرا تخمین ایتشدی . اوزمان بودجه
قومیسونی مضطبه محرری اولان شیمدیکی مالیه ناظری جاویدک بوقدر املاکک
آلتی یوز بیک لیریه صاتمسانی جائز اولامایه جغنی سویله به رک بو آلتی یوز بیک
لیرانی طقوز یوز بیک لیریه چیقارتمشدی .

جاوید بک نظارته کچدیکی زمان بر امر مقرر قارشیمسند بولنیوردی .
حکومت ده تقسیم قشله سی و تعلیم خانه سی کی قیمتدار بنا و عرصه نک شهر داخلنده
بولونماسنده هیچ بر حکمت متصور اولمادیفندن بولنرک فروختیله قشله نک شهر
خارجنه چیقارلسی موجب محسنت اوله جغنی دوشونتمشدی . بناء علیه قبول
ایدیلن ۳۲۵ سنه سی فوق العاده بودجه قانونی موجبجه حکومت بوملاکی
صاتمقه مأذون دکل مجبوردر . بوندن حاصل اوله جی پاره نک بری وارددر
و معیندر . عسکر ایچون سپارش ویرلش، مصرف ایدلشدیر . بومصرف نه ایله
قاپانه جی ؟ بالطبع واردات خانه سنده کی پاره لرله .

شوا یضاحاندن آکلاشیلرکه تقسیم تعلیم خانه سی و قشله سی ایچون صانیلور ؟
دیمک هله بر مبعوث ایچون غیر قابل عفو بر اثر غفلتدر . بومبعوث عینی زمانده
برده غزته جی اولور و کهنه مطلع اولسی احباب ایدن مسئله بی بویله تحریف
ایدرسه آرتق نه دینه جکینک تعبدی قارلر مزه بر اقریز .

مالیه ناظری بوقشله و عرصه بی صانیور، چونکه قانون موجبجه بوسورتله
حرکت ایتکه مجبوردر . صاتمازسه مسئولدر .

ایشته بومجبوریت دولایسیله درکه جاوید بک نظارته کتنبه بودجه احکامی
اجرایه باشلایه رق قشله ایله تعلیم خانه نک صاتیق اولدیفنی طالب اولانلرک مالیه به
مراجعت ایتلرینی اعلان ایتدی . بعض طالبلر مراجعت ایتدیلر . تکلیف لری
موافق و رولمادی . مزایده تجدد و تعدید ایدلدی نهایت ک موافق تکلیفه
بولونان هیئت مالیه ایله ائتلاف حصوله کلدی . برقچ کونه قدرده فراغ اجرا
ایدلک اوزره اولدیفنی خبر آلیورز .

کیزلی قاپاقلی معامله یا بلدیفی، کیمسه به خبر و برلیدیکی، مزایده اجرا اولونمادیفی
یولنده کی ادعا و تلقینات ده تزویر و افترا دن بشقه برشی دکلدیر . چونکه قشله
ایله عرصه نک صاتیق اولدیفنی ۳۲۵ فوق العاده بودجه سندن بری اعلان ایدلشدیر .
جمله نک معلومیدر . بر اعلان اوزرینه طالب ظهوری ایچون قاچ سنه بکلنیر ؟
مسئله نک حقیقتی بوسورتله آکلا تددن سوکر ا شمدی ده قرارلشان فروخت
شرائطی ایضاح ایدلم .

صاتیلان یئرلرک مساحه سطحیه سی یوزالی ایکی بیک مترو صرعیدر . بونک
الی ایکی بیک مترو صربی یول، باغچه و میدان اولقی اوزره افرازیلده جکندن

۴ - مجلس عمومی مقرراتك تأخیر انفاذنده مالیه ناظرینك خوف مسئولیت طولانیسیله امکان کوره مامکده اولدینی ادعایی طوغری اوله من . شیمدی به قدر احوال نمائنده بویله بر محبوریّت و مسئولیتدن بحث اولنماشدر . نته کیم مجلس عمومیدن کیچمش واراده سی استحصالی اولنه رق قانونیت اکتساب ایتك صورتیله مأموری اولان ناظر ایچون لازم التنفیذ بر شکل آلمش اولان اسپرتو قانونی موقع تطبیقه بر آن اول وضعده بویله بر محبوریّت حس ایدلماشدر .

۵ - احتیاجات عسکریه مزى برای تلافی ما ملکی الدن چیقارمق لازم کلیورسه بیت المال ایچون مضایقه حالی تجلی ایتمش اوله جفتلندن یاپیله حق شی فراغی بدل مثل ایله اجرادن عبارتدر .

حالبوکه ویریالان مبلغك بدل مثلدن پك زیاده دون بولنمادیغنی طنین رفیقمزده ایما ایدیور .

۶ - ضرورتمز هر نه مقابلنده اولورسه اولسون موجودمرك الدن چیقارلمنی استلزام ایدر بر درجه یی بولمش ایسه یعنی اقتصاداً بو درکله قدر سقو ط ایتمش ایسهك حالمزه تأسف ایتمکدن واه یازیق بو ملته دیمکدن بشقه یاپیله حق برشی ، قالماش اولیور . شو حالده یارین موزده کی آثاری اوبرکون خزیننه هایون محتویاتی ده الدن چیقارمغه حاضر لائمی یز .

۷ - نتیجه مزایده ده بدل مثل ایله طالب ظهور ایتماش اولسی نقصان بدل ایله فراغ ایچون صلاحیت بخش ایدر بر عذر تلقیسنه احکام قانونیه من مانعدر .

۸ - حکومتك تخمین مجردی مدار استناد اوله ماز زیر تخمینك ده لازم الاتباع اصول شرعی وقانونیسی واردر . نته کیم تخمین مجرد اوزرینه مجلسده مذاکره جریان ایدر ایکن هنوز وظیفه نظارتی درعهده ایتماش اولان جاوید بك افندیك دلالتیله بویله بر تخمین ایله تقید ایدلماش اولدیغنی رفیق محترمز دخی بالاستطراد بیان ایدیور .

۹ - محبوریّت فراغك بر قاج سنه مقدم اتخاذ اولنان قرار ایله وجوده ککش اولسی حسبیه قطعیت افاده ایده جکی مطالعه سیده شایان قبول کوریله من . زیرا حقوق و منافع عامه یی مغل و مصلحتدن عاری هیچ بر قرار امر واقع تشکیل ایتمز . عامیه عائد بر ضرر ك قدیم اولسه بیله ازاله سنه غیرت لازم کله جکی احکام اساسیه مز دندر .

۱۰ - قیشله نك شهر خارجه چیقارلمنی موجب محسنات اوله جنی کیفیتك مال میرینك نقصان بدل مقابلنده فراغی ایچون بر عذر تشکیل ایتمی پك غریب بر مطالعه در بزم بیلیکمز بویله بر حال وقوعنده خارجه قیشله تدارك ایدیور و بدل مزایده بدل مثل راده سنه واصل اولنجه یه قدر مزایده یه دوام اولنور بوکا قارشى (طالب ظهوری ایچون قاج سنه بکلیر) اعتراض متحکمانه سنی ایراد ایتك احکام اصلیه قانونیه مزى استخفاف اولور که شایان تجویز کورلملیدر .

۱۱ - غبن فاحشه مقارن بولنان شو معامله بر حکم قانونی افاده ایده میه جکی جهته حق حکومتك میعدن و یا مقر و غدن انقطاعی

شرکت یوز بیک متره صربی عرصه قاله جقدر . حکومت بولری اوست اوسته بهر متره صربی درت لیرادن فروخت ایدیور . فقط شرکت یول و قالدیرم یایق ، باغچه تأسیس ایتك ایچون یوز بیک لیرا مصرف اختیار یله تعهد ایتدکنندن حقیقت حالده برمترو صربی بش لیرایه آلمش دیمك اولیور .

شرکت بو عرصه یی آنجه یوللری ، میدانلری و باغچه لری یابدقندن سوکره درت ، بش یوز بیک لیرا صرقیله بنالر وجوده کتیره جك ، اورالره شرف ویره رک طالب اولانلره عرصه لری صانه جقدر . حکومت عرصه یی صورت قطعیه ده شرکت صاتوب پاره سنی آلهرق ایشك ایچندن جکیلمکدن ایسه شرکتك ملحوظ اولان منفعتنه اشتراك ایتکی دوشونمش و درت یوز بیک لیرانك یوز بیک لیراسنی حصه سندی شکله آلمنی مناسب کورمشددر . بواش ایچون سکرز یوز بیک لیرا سرمایه ایله بر شرکت تشکلی ایده جکنندن حکومت شرکتك کارینه سکرزده برنبتنده اورتاق دیمك اولیور . حصه سنداتك فیثاتی ترقی ایدرسه بویوزدنده آیرجه برکار حصوله کله جکی طبیعیدر .

تقسیم قشله سی ده بو عرصه ایچنده داخل ایسه ده دیگر بر قیشله یاپیله جیه قدر یعنی ایکی سنه حکومت قیشله یی قوللانجق و بوندن دولای کرا ویرمه جکدر . شرکت ایسه عرصه نك فراغ خرجنی ، اراضی و برکوسنی ویره جکی کبی انشا ایده جکی درت یش یوز بیک لیرالق املاک ده و برکوسنی آیرجه تأدییه ایده جکدر .

دیمك اولور که حکومت پشین اولهرق اوچ یوز بیک لیرا آلور . یوز بیک لیرالق حصه سندی اخذ ایدیور بو صورتله کارك سکرزده برینه اشتراك ایدیور . عینی زمانده درت بش یوز بیک لیرالق املاک انشاسنه سبب اولهرق بوملا کدن و برکو آلمنی ده تأمین ایلور . ملکته امثالی اولیان تنظیم مکمل جاده لر و محل لرتشکیل ایدیور . یالکز صایلان برک دکل اطرافنك ده قیمتی شرفنی آرتیریور . اگر تصور افکار صایلان بدلای اوجوز کوروبده دهافضله و بریورسه هنوز وقتدر ، بویورسون .

۱ - کوریلور که طنین رفیق محترمزك انك قوتلی دلیل و مستندی مصارف فوق العاده عسکریه یه تقابل ایتك اوزره جهت عسکریه به عائد اولوب بلمزایده تدریجاً فروختی مقرر اولان املاک اراضی ابنیه و عرصه لرك معامله بیعیله لرینی اجرایه مالیه ناظرینك مأذونیتنه دأر اولان ماده قانونیه در بر بو ماده ده اهمیتی سائر عرصه و ابنیه افراد یله مقیس اولیان تقسیم قیشله و تعلیم خانه سی جقنده صراحت مخصوصه تخطر ایتمیورز . محل اجتهاد اولمق طولانیسیله نظارت ایچون مأذونیتك بواکده تشمیلی مسئله سنی جای تأمل بولیورز .

۲ - مأذونیت واقعه بویله بر مراجعتدن مغنی کورلسه ویا قانونده صراحة بو قیشله و تعلیم خانه نك بیعنه مأذونیت بولنسه بیله اشبو مساعده بیت الماله عائدیتی درکار اولان اموال مذکور نك غبن فاحش ایله فراغی رخصتی تضمن ایتمز . بناءً علیه بدل مثلدن دون بر مبلغ مقابلنده فراغ اذنك تأمین ایلدیکی صلاحیتدن خارج قالیر .

۳ - حتی غبن فاحشه بیعه مالیه ناظرینك مأموریتی فرض اولنسه بیله وجوده کتیره جکی عقد لزوم قانونی افاده ایتمز . زیرا حکومت عائد اموالده مصلحتدن عاری تصرفاتی اجرایه ذات شاهانه صلاحیتدار اوله مدینی کی مشروطی شکله حکومتك بر حکومت اسلامییه اولمسنه کوره مجلسده مقتدر اوله من . كرك حکمدارك و كرك مجلسك تصرفاتی مصلحته منوط اولوب معامله مرویه ده ایسه مصلحتك فقدانی بداهه ثابتدر . بناءً علیه فراغ بدل مثلدن دون بولند قجه بیت المال ایچون حق دعوی محفوظدر .

مستلزم اولماز شبهه سز که بوجق دائماً ارانه جق، تعقیب ارلنه جق و بر اجنی شرکت دور حالنده ده مسئله سیاسی شکلی آله جق ودها طوغریسی مات ایچون دائمی بر اوزینی و مزعج بر چپان باشی اوله جقدر . ایشته بورالری نظره آلیر، طوپلرک، سفائن عتیقه نك فروختی معامله سنك نتایجندن عبرت بین اوله رق شو مسلک اضاعیه بر نهایت ویررسهك مملکته هیچ اولماز ایسه بو صورتله بر خدمت ایفاسنه موفق اولورز . یوقسه بویه موجودمزی بدل مثلدن دون اوله رق الدن چیقاردقدن وهرزمان ایچون المنی حس ایده جکمز ضایعاته کندمزی اوغراتدقدن صکره فراغده قبول ایتدیردیکمز شرطلر بویه استفاده لیدر ، شویه نافعدر دیهره عسل خشان ایله کندی کندیمزی آوومغه قالدیشیر ایسهك پك آجی بر استزای طالع مظهریتله کولنج وضعیتده قالیرز .

اتحاد قوتدر

— مناستر دارالمعلمین، طلبه جمعیتی —

بوکون مملکت اتحاد ایله ترقی ایده جک ، بوکا هیمز قانمز . هب کوردیکمز ترقیاتی بویوک بویوا . اتحادلر ، شرکتلر وجوده کتیریور . استرداد مشروطیتدن صوکره مملکت مزده بر جوق اتحادلر ، جمعیتلر وجوده کلدی . بونلرک بعضیسی مملکته بر جوق خدمتلر کورو یور . اخیراً خبر آلدیغمز کوره مناستر دارالمعلمین طلبه لری و مأذونلری بر جمعیت وجوده کتیرمشلردر . بو جمعیت حقده فضله تمهید بخاتمه بولنیه رق پایه جینی ایشلر حقنده لازم کلن معلوماتی ویره لم :

دارالمعلمین مأذونلری و مداوملری آره سنده رابطه مودت و اخوتک تأسیسی ، مکتبی اکمال ایدنلرک و مکتبه دوام ایدنلرک هر دورلو احتیاجات معنویه لرینه یاردم و معاونت ایلماک ، حیوانات اهلیه یه شفقتله معامله ایتماک و ایتماک تشویق ایلماک ، زراعت عالمنده مهم خدمتلر کورن قوشلر و حیوانات سائرده یی تلفدن وقایه و زراعت مضر اولانلری محو ایلماک ، قوشلرله ائک چوق مناسبتده بولنان کوچوکلر اولدینی جهته اعضای جمعیت دائماً کوچوک مکتب طلبه لری ایله مناسبتده بولونه رق و صایای لازمه ویرماک ، مملکتی پک چوق منفعنی اولان اغاچلری تلف ایده نلری بو حالدن واز کچیرماک ایچون وسائط مناسبه یه مراجعت ایلماک و قابل اولدینی قدر هر سنه آغاچ غرس ایتماک و کوچوک طلبه لره غرس ایتدیرماک و طلبه اورمانلری وجوده کتیرماک ، جمعیته داخل اولان کوی معلملری و کویه کیدن دارالمعلمین طلبه لری عمومیتله اهالی یه یکی اصول زراعتی و آلات و ادوات جدیدی و زیاده باره قازا . ندیره جق اصول زراعتی توصیه ایتماک و اهالی یه صحتلر و قونفهرانسیر ویرماک ، تربیه بدنیه اساسلری بوتون مکتبلر مزه قبول ایتدیره جک اسبابه توسل و کنسج معلملره دائماً بوکا تشویق ایدیجی تشبثاتده بولنق و ریاضات بدنیه نك هپسنی قبول و اجرا و دارالمعلمین داخلنده بر او یون قوللکسیون وجوده کتیرماک سعی ایلماک ، دارالمعلمینده وکرک عموم مکتب ابتدائیه و وسائط تدریسیه نك ا کماله و مکتب موزهلری تشکیله همت و بوسایه یه یکی اصول تربیه و سائطی تمام ایلماک ، دارالمعلمین داخلنده

جمله یه کشاده مکمل برکتبخانه وجوده کتیرماک غیرت و توسل ایلماکدر . بو جمعیت تربویه و زراعیه نك دارالمعلمین طلبه و مأذونلری و دارالمعلمیندن مأذون اولمه یوب اعضادن ایکی ذاتک توصیه سیله دیگر معلمین دخی اعضاسی اوله بیلیرلر . بالمله اربب معارف و حیت دخی جمعیتک اعضای فخریه سندن اوله بیلور .

جمعیتک ریاست فخریه یی مناستر والیدی رشید پاشا حضرتلری و مناستر معارف مدیری زکریا ذهنی پك افندی طرفندن قبول بویور .

لمشدر .

جمعیتک بر هیئت اداره سی واردر . رأی عام اصولی ایله و قوعبولان انتخابده ریاسته دار مذکور معلملرندن عثمان فید پك و طلبه دن سلیمان ، صبری ، حسن سالم و عبدالکریم افندیلر اعضاله انتخاب ایدلشلردر . اعضادن بریسی مخبره مأموری ، دیگرکی اداره مأموریدر . جمعیتک دهاشمیدن ایکی یوز اعضاسی واردر . مناستر جوارنده مکمل بر اورمان یتشدیرلماک تشبث ایدیلمش و بر جوق مواقعدن معاونت کورولمشدر .

جمعیت شوو جهله ایفای وظائف ایده جکدر . کویلرده ، قصبه لرده بولونان ابتدائی معلملری مرکز ایله دائماً مخبره ایده لر . مرکز اداره نك بیلیم سی لازمکان تجدیدات تربویه و زراعیه یی بووجهله اوکره نیر و ایستدکاری کتاب ، تخم ، کیمیوی کوبره ، آلات و ادوات سپارشی ویره بیلیرلر . کویلرده قصبه لرده کرک طلبه لره و کرک منفرد کزلیلرکن تصادف ایدیلن طاش ، طوپراق ، معدن ، آغاچ ، اورمان محصولی ، حبوبات ، حشرات ، حیوانات ، چیچک ، اوت ، مستحاثه ، آثار مدنیه نمونه قوللکسیونلرندن مناسب مقدارینی وسائط مناسبه ایله مرکز کونده ریرلر .

جمعیت مرکزی ایجاب ایله دیکی زمان تطبیق و قبول ایدیلن ائک صوک مکاتب ابتدائیه اصوللری خارجه کی مسلکداش لرینه رساله لر ، بیاننامه لر و یاخود جرائد ایله بیلدیره جکی کبی ، طویلادینی نمونه و قوللکسیونلردن نه قدرینی حفظ و نه قدرینی مکاتب ابتدائیه موزه و نمونه خانه لرینه یوللادیغنی و هانکی کوی معلمنک زراعته دائر چوق و مفید قونفهرانس ویردیکنی و نه قدر آلات و ادوات و تخم وضعی کوبره جلب ایتدیکنی عین وسائط ایله اعلان ایدر .

هر سنه نهایی و قوعبولان بر اجتماع عمومی ده — که تموز ابنتداسنده در — جمعیت بوتون اعضاسنی مرکز ده دعوت ایدر ، اوکون بر سنه ظرفنده کوریلان ایشلری منضم راپور قرائت ایدیلیر . هر کس فکرینی بیان ایدر . بو اجتماعده بولنمیان اعضایه ده اجتماع عمومی مذاکرات و نتایجی بیلدیریلیر . عین کونده هیئت اداره انتخاباتی ده اجرا ایدیلیر . جمعیتک مقصدینه نظراً ای خدمتلر یاپانلره مکافاتلر ویریلیر .

هر آرزو ایدن جمعیتک بر نظامنامه سنی بر مکترب و یاقارت ایله آتیده کی ادره سدن طلب ایده بیلیر :

(مناستر دارالمعلمین طلبه جمعیتی ریاسته)